

# Dieđut váhnemiidda Ohppiidiskkadeami birra

## **Mii Ohppiidiskkadeami ulbmil lea?**

Ohppiidiskkadeapmi addá ohppiide vejolašvuoda muitalit iežaset oaiviliid oahppama ja loaktima birra skuvllas. Iskkadeami bohtosat vurkejuvvojit, ja daid geavahit skuvla, skuvlaeaiggát ja stáhtalaš oahpahuseiseválddit analyseret ja ovdánahttit ohppiid skuvla- ja oahppanbirrasa.

Iskkadeami bohtosat sáhttet maiddái geavahuvvot dutkamis, statistihkain, ja dat sáhttet vurkejuvvo vuorkái.

Oahpahusdirektoráhtta almmuha Ohppiidiskkadeami statistihka deike: [www.udir.no](http://www.udir.no).

## **Mo čađahuvvo iskkadeapmi?**

Lea eaktodáhtolaš ohppiide vástidit Ohppiidiskkadeapmái. Oahppit sáhttet maiddái guođđit vástitkeahttá gažaldagaid maidda eai hálit vástidit.

## **Gieđahallanovddasvástádus ja personsuodjalus**

Go oahppit vástidit Ohppiidiskkadeami gažaldagaide, de vurkejuvvojit persondieđut sin birra. Oahpahusdirektoráhtas lea ovddasvástádus dasa ahte buot persondieđut gieđahallojuvvojit personsuodjalusnjuolggadusaid mielde. Conexus lea dáhttagieđahalli ja doaimmaha iskkadeami tehnikkalaš beali Oahpahusdirektoráhta ovddas, ja dat galget čuovvut seamma njuolggadusaid.

Oahppit eai almmut nama, ii ge vástádusaide leat čadnon personnummar. Go oahppit leat vástidan iskkadeapmái, de botkejuvvo čanastat gaskal oahppi sisaloggenkoda/-liŋkka ja dan maid son lea vástidan. Danne lea váttis diehtit gii lea vástidan maid iskkadeamis. Muhtun oktavuodain (omd. unna skuvllain) sáhtta dattetge leat riska ahte muhtun sáhtta dovdát gii lea vástidan maid. Danne leat Oahpahusdirektoráhtas hui garra njuolggadusat čájehit iskkadeami bohtosiid skuvlii, skuvlaeaiggádii ja stáhtalaš oahpahuseiseválddiide. Iskkadeami bohtosat eai galgga almmuhuvvot nu, ahte lea vejolaš dovdát ohppiid vástádusaid. Vástádusat vurkejuvvojit nu guhká go lea dárbu dasa.

Dain oktavuodain go Oahpahusdirektoráhtta addá vástádusaid dutkamii, de dutkit galget čuovvut direktoráhta njuolggadusaid gieđahallat persondieđuid ja jávohisvuodageaskku, ja sii galget vuolláičállit jávohisvuodageaskojulggaštusa.

## **Persondieđuid gieđahallama rievttálaš vuodđu**

Persondieđuid gieđahallama rievttálaš vuodđu Ohppiidiskkadeamis lea personsuodjalusmearrádus art. 6 nr. 1 e-bustávva ja art. 9 nr. 2 g-bustávva, mas

dievasmahtti nationála rievttálaš vuodđu lea oahpahuslága lánkaásahusa § 2-3 ja priváhtaskuvlalága lánkaásahusa § 2-3.

Oahppit eai sáhte gáibidit beassat geahččat, divvut dahje sihkkut vástádusaid, danne go vástádusat eai sáhte čadnot njuolga oahppái.

Dutkama, statistihka ja vuorkái vurkema rievttálaš vuodđu lea personsuodjalusmearrádus art. 6 nr. 1 e-bustávva ja art. 9 nr. 2 j-bustávva. Personsuodjaluslága §§ 8 ja 9 leat dievasmahtti nationála riektvuodđu.

### **Leat go dus gažaldagat?**

Eanet dieđuid oaččut go válldát oktavuoda skuvllain dahje Oahpahusdirektoráhtain.

Oahpahusdirektoráhta oktavuodadieđut:

**Telefovdna:** +47 23 30 12 00

**E-poasta:** [post@udir.no](mailto:post@udir.no)

Dáppe leat maiddái olu dieđut: [www.udir.no/undersokelser](http://www.udir.no/undersokelser). Gažaldagaid personsuodjalusa birra sáhtát jearrat Oahpahusdirektoráhta personsuodjalusáittardeaddjis: [personvernombud@udir.no](mailto:personvernombud@udir.no)

Diehtobearráigeahčču lea Ohppiidiskadeami persondieđuid gieđahallama váidinásahus.

Eanet dieđut leat dáppe: pá: <https://www.datatilsynet.no/om-datatilsynet/kontakt-oss/klage-til-datatilsynet/>